

STJÓRNARTÍÐINDI A 13 — 1964

Nr. 57.

190

25. september.

FORSETABRÉF

um að Alþingi skuli koma saman til fundar laugardaginn 10. október 1964.

FORSETI ÍSLANDS

gjörir kunnugt:

Ég hef ákveðið, samkvæmt tillögu forsætisráðherra, að Alþingi skuli koma saman til fundar laugardaginn 10. október 1964.

Um leið og ég birti þetta, er öllum, sem setu eiga á Alþingi, boðið að koma nefndan dag til Reykjavíkur og verður þá Alþingi sett að lokinni guðþjónustu í dómkirkjunni, sem hefst kl. 13.30.

Gjört í Reykjavík, 25. september 1964.

Ásgeir Ásgeirsson.

(L. S.)

Bjarni Benediktsson.

Nr. 58.

1. september.

AUGLÝSING

um staðfestingu forseta Íslands á breytingu á reglugerð fyrir Háskóla Íslands.

Forseti Íslands hefur hinn 2. þ. m. samkvæmt tillögu ráðuneytisins staðfest eftirfarandi breytingu á reglugerð nr. 76/1958 fyrir Háskóla Íslands:

1. gr.

Upphaf 32. gr. 2. mgr. orðist svo:
Srásetningargjald er 1000 krónur.

2. gr.

43. gr. 2. orðist svo:

2. Kennslugreinar í viðskiptadeild eru þessar:

1. Almenn þjóðhagfræði.
2. Hagnýt þjóðhagfræði.
3. Almenn rekstrarhagfræði.
4. Sérgreind rekstrarhagfræði.
5. Íslensk haglýsing.
6. Lögfræði.
7. Bókfærsla fyrir stúdenta á 1. námsári.
8. Reikningshald.
9. Verklegar æfingar í bókfærslu og reikningsskilum, endurskoðun og skattskil.
10. Tölfræði.
11. Viðskiptareikningur.
12. Enska.
13. Stærðfræði.

14. Skrifstofustörf.
15. Hagrannsóknir.
16. Hagræn landafræði.
17. Hagsaga.
18. Saga hagfræðikenninga.
19. Fyrirtækið og þjóðfélagið.
20. Markaðsrannsóknir.
21. Opinber stjórnsýsla.

Námsgreinar 15—21 eru kjörgreinar.

Prófessorar viðskiptadeildar ákveða í sameiningu námsefni í hverri einstakri námsgrein. Þeir ákveða og, hvort halda skuli æfingar í einstökum námsgreinum og hvernig þeim æfingum skuli háttað. Við ákvarðanir þessar skulu þeir hafa samráð við kennara í viðkomandi grein.

Stúdent skal leysa af hendi tilskilinn fjölda æfinga í hverri námsgrein.

Viðskiptadeild ákveður, hvenær tímabært er að hefja kennslu í einstökum kjörgreinum. Eftir að kennsla í kjörgrein er hafin, er viðskiptadeild heimilt að fella niður kennslu í einstök ár, ef ekki fæst, að dómi deildarinnar, næg þátttaka stúdenta, eða ef ekki er, að dómi deildarinnar, kostur hæfra kennslukrafta, en stúdent skal þó heimilt að þreyta próf í viðkomandi námsgrein.

50. gr. orðist svo:

Próf í viðskiptafræðum.

Undirbúningspróf. Áður en stúdent segir sig til fyrra hluta prófs, skal hann hafa staðizt próf í eftirtöldum greinum 1 til 4:

1. *Bókfærsla fyrir stúdenta á 1. námsári*, skriflegt próf.
2. *Skrifstofustörfum*, verklegt og skriflegt próf.
3. *Stærðfræði*, skriflegt próf.
4. *Ensku I*, skriflegt og munnlegt próf.

Einkunnir í ofantöldum greinum hafa ekki gildi í aðaleinkunn. Til þess að standast próf í bókfærslu þarf stúdent að hljóta að minnsta kosti lægstu 1. einkunn.

Stúdent skal taka skriflegt próf í *almennri rekstrarhagfræði og almennri þjóðhagfræði* í síðasta lagi samtímis því, er hann tekur fyrra hluta próf. Óski stúdent að taka próf í annarri eða báðum þessara greina, áður en hann tekur fyrra hluta próf, skal það gert á vormisseri. Kennurum í þessum námsgreinum skal heimilt að ákveða, að próf í þeim skuli vera munnleg.

Einkunnir í hvorri einstakra ofannefndra námsgreina hafa gildið 1 í aðaleinkunn.

Fyrra hluta próf.

Prófgreinar í fyrra hluta eru eftirtaldar greinar 1 til 6:

1. *Viðskiptareikningur*, skriflegt próf.
2. *Tölfræði*, skriflegt próf.
3. *Reikningshald*, skriflegt próf.
4. *Enska II*, skriflegt og munnlegt próf.
5. *Lögfræði*, munnlegt próf.
6. *Haghlýsing*, munnlegt próf.

Flokkur A.

Áður en 4 misseri eru liðin frá innritun, er stúdent heimilt að þreyta próf í einhverjum tveim ofangreindra prófgreina, og skulu þau próf þá tekin á vormisseri, enda séu þau próf haldin í lok yfirferðar yfir viðkomandi námsgreinar. Stúdent skal þá hafa lokið prófi í ensku I, áður en hann skráir sig til prófs í ensku II, og prófi í bókfærslu, áður en hann skráir sig til prófs í reikningshaldi.

Flokkur B.

Prófgreinar í fyrra hluta B eru þær ofantalinna greina 1 til 6, sem stúdent hefur ekki tekið próf í áður.

Fyrri hluta próf (flokkur A og flokkur B) er talið einn prófhluti í merkingu 2. málsgr. 68. gr. háskólaireglugerðar

Einkunn í prófgrein I hefur gildið $\frac{1}{2}$ í aðaleinkunn; einkunnir í prófgreinum 2—6 hafa gildið 1.

Ekki má liða lengri tími en 6 kennslumisseri frá innritun, þar til lokið er fyrri hluta prófi. Ef út af bregður, fer stúdent af skrá, og undirbúningspróf falla úr gildi.

Síðara hluta próf.

Prófgreinar í síðara hluta eru þessar:

1. *Almenn rekstrarhagfræði*, skriflegt próf.
2. *Almenn rekstrarhagfræði*, munnlegt próf.
3. *Sérgreind rekstrarhagfræði*, skriflegt próf.
4. *Almenn og hagnýt þjóðhagfræði*, skriflegt próf.
5. *Almenn og hagnýt þjóðhagfræði*, munnlegt próf.
6. *Verklegar æfingar í bókfærslu og reikningsskilum, endurskoðun og skattskil*, tvö skrifleg próf.
7. *Hagrannsóknir I*, skriflegt próf.
8. *Hagrannsóknir II*, skriflegt próf.
9. *Hagræn landafræði*, munnlegt próf.
10. *Hagsaga*, munnlegt próf.
11. *Saga hagfræðikenninga*, munnlegt próf.
12. *Fyrirtækið og þjóðfélagið*, munnlegt próf.
13. *Markaðsrannsóknir*, skriflegt próf.
14. *Opinber stjórnsýsla*, munnlegt próf.
15. *Ritgerð um efni, sem stúdent velur í samráði við prófessor í deildinni á fyrsta misseri eftir að hann lauk fyrri hluta prófi.*

Stúdent skal taka próf í svo mörgum kjörgreinum, að heildargildi einkunna í þeim sé $2\frac{1}{2}$. Einkunnir í 1., 2., 4., 5. og 6. prófgrein hafa tvöfalt gildi í aðaleinkunn. Prófgreinar 7—13 hafa gildið $\frac{1}{2}$. Einkunnir í öðrum prófgreinum hafa gildi.

Áður en stúdent segir sig til síðara hluta prófs, skal hann afhenda prófritgerð sína vélritaða og leggja fram skilríki um, að hann hafi tekið þátt í eftirfarandi æfingum:

1. *Rekstrarhagfræði*: Stúdent hafi haldið eitt erindi og afhent kennara það vélritað. Enn fremur hafi stúdent metið tvö erindi í sömu grein flutt af öðrum stúdentum, ef kennari hefur óskað þess.
2. *Þjóðhagfræði*: Sömu kröfur og um rekstrarhagfræði.

Ekki má liða lengri tími en 6 kennslumisseri frá því er stúdent lýkur fyrri hluta prófi, þar til hann lýkur síðara hluta prófi. Ef út af bregður, fellur fyrri hluta próf úr gildi, en forpróf halda þó gildi sínu í 2 misseri.

Viðskiptadeild getur veitt undanþágu frá ákvæðum þessarar greinar um tímatakmörk við próf, ef stúdent hefur verið veikur, eða öðrum vítaleysisásæðum er til að dreifa.

Stúdentar, sem skráðir eru til náms eftir gildistöku hinna nýju ákvæða, skulu hlíta því fyrirkomulagi, er þar greinir, en eldri stúdentar skulu haga námi sínu samkv. eldri námstilhögun.

Kandidatspróf eftir eldri tilhögun verður haldið í síðasta skipti vorið 1969.

Reglugerðarbreyting þessi öðlast þegar gildi.

Í menntamálaráðuneytinu, 1. september 1964.

F. h. r.

Birgir Thorlacius.